

## Petro

### ᾠωλύ Gyankpapo

#### *Itsiáha*

<sup>1</sup> ᾠωλύ áñfi itsú mí Petro ání ngýi Yesu Kristo sumbí ɔyɔpú wá.

Nde mú wanlín sísí mli ahá ání Bulu lalé bwé mu abí, mliladásáin yóbwe afɔ́ Ponto, Galatia, Kapadokia, Asia yédaɓi Bitinia ɔmátó fée. <sup>2</sup> Ɔsí Bulu lalé mli fé alí ámú ɔlehíhíe mú yáí ání íbá mótó ámu. Bulu latsun Ɖɣe Wankíhé amɔsu bwé mli mu ahá, méni mlóbu Yesu Kristo, mu obugya é íbógývráa mli.

Bulu ɔhíe gyi mli bvale, ɔha mli iwilwii tsɔtsɔatsɔ!

#### *Ɔkpakú Ání Imóɔbwe Kpaali*

<sup>3</sup> Mliha akanfɔ Bulu. Mɔgyí aní Wíe Yesu Kristo mu Si pú mu Bulu ní. Mu nwewúun kpɔnkpɔɔnkpɔnti ámu su alakúsúa aní Wíe Yesu Kristo tsú afúlitɔ púhá aní nkpa pɔpwe. Íni lahá anílanú iwiasí ání aní ɔkpakú móɔbwe kpaali. <sup>4</sup> Mú su aní ansídun ání aní íbí bédá siadiɛ yílé ámú Bulu léhíe ání ɔbɔpvhá mu abí ámu. Alalá mú yáí ɔsúsú wankláán há mli, atóá itamayíntá, itamapló, itamakpá é. <sup>5</sup> Siadiɛ yílé áñfi igyi mli ahá ámú mlilahogyi amu klé. Mli hógýi su Bulu túmi bun mliɔ, ide mliɔ kú alu yófun ató fée nkpa ɔhóke ámú Bulu lalá yáí ání ɔbéle mú ɔwan ɔyí ɔnómaké ámu.

<sup>6</sup> Ibu mótó ání isókí ɔtsan-ɔtsan ide mli tu, mlidé asún wúun, táme itó áñfi mli ansídun mósú áñfi su ansí məkúsí mli gyí. <sup>7</sup> Tóá svá mlidé asún wúun gyí, mú obósuná ání mlilahɔ Yesu gyi lélé ní. Tó butató sika pepe ání itetáli yíntá kúráá kɪ beɛ, wankláán igyi. Alí kén bópu asun wunhe sɔ mli hógýi ání ibu labi dun sika pepe kɪ

βεε, lélé mlilahō Yesu gyi, ménu mlétalí líi kínkín ní. Iba alí á, békanfó mli, wá mli numnyam, há mli idayilé eke ámúbú Yesu Kristo óbéle iwí òwan ámu. <sup>8</sup> Ibu mótó ání mlunókúwun Yesu ki, táme mlitódwé mu. Mlumédé mu wúun mú, táme mlidé musu hógyi. Ínu su ansigyí kponkpɔɔnkponɔtí ání ònó méetalí blí labólá mlitò. <sup>9</sup> Tsúfé mlidé mli nkpahóó amúbú mlénya tsú mu hógyitò ámu nya.

<sup>10</sup> Bulu ònósú atóipú amu beblí nkpa ánfí Bulu óbóhō mli ánfí asún tswi. Betetéé mu awitòle asún ánfítò wankláán, ménu bónu mú asi. <sup>11</sup> Kristo Òhḗ letsíá Bulu ònósú atóipú anfitò, tsíá súná amú, beblí yáí aliá Kristo obówun ipian. Mú òma a, numnyam kponkpɔɔnkponɔtí béba. Mú su besen ansító ání bébi bréá nkpahóó anfi íbéba pú òhá oduá íbótsun musu ba. <sup>12</sup> Bulu léle súná amú ání megyí amú sú bude asún ámu òkan da, mboún mli su bude mú òkan da. Séi mú mlilanú asún ámu. Tsúfé Bulu lówa mu Òhḗ Wankíhé tsú òsúsú beblíá asun wankláán ámu òkan adapú alí asún ánfí, amú é beda mú òkan súná mli. Bulu-abòpu kóráá ansí tepé ání bónu alí asún ánfí asi.

### Iwítúntò Tsíá

<sup>13</sup> Ínu su mlida iwísu amlíkita iwí. Mlipu mli ansí féé dínka awitòle amúbú Bulu óbówa há mli ekeá aní Wíé Yesu Kristo óbékplí tsú òsúsú bele iwí òwan ámu. <sup>14</sup> Mlibu Bulu fé alí amúbú nyebí butobú amú akwúipú amu. Mlumáha tsiátó laláhe amúbú iletsíá mlitò bré amúbú mluméyín tòtò tsú Yesu iwí ámu igyi mlisu. <sup>15</sup> Mboún mliha mli iwí itun mli bwehé féétó, fé alí amúbú Bulu amúbú òletí mli ámu iwí létun amu. <sup>16</sup> Tsúfé bōwanlín wá Bulu asún ámutò bee, “Bulu óbéé, ‘Mliha mli iwí itun, tsúfé mí iwí letun.’ ”

<sup>17</sup> Mvgyí òhá ání mlitétí mliáa, mli Sí ní mlidé mpái bō ní. Òtamakí òha ansító ní òde ahá asún gyí. Mboún òhagyíòha bwehé òtòpúgyí mu asún. Mú su mlipu Bulu-ífúnya bwe mli bwehé kugyíku nke tráhe anfi ilasí mli òyí ánfítò. <sup>18</sup> Tsúfé mliyin tóá òlòpuká mli nwunsv ikò, há

mlilagyi iwɪ tsú mli anáin amándíé laláhe ámúú iletin mli ɔkpa ámɔtɔ. Itó ámúú ɔlɔpɔká mli nwunsv ɪkɔ ámu megyí fé sika pɛpɛ múa sika futútú ání itetálí yíntá. <sup>19</sup> Kristo obugya ání ihíé bu ibíá ɔlɔpɔká mli nwunsv ɪkɔ ámu. Kristo gyí fé okúfabiá ɔlɔfɔn ha mbusuo kugyíku le, píná kɔku ma mu iwɪ. <sup>20</sup> Asa Bulu lóbwɛ ɔyí á, ɔlehihíé tóá ibéba Kristosu yáí. Mli sù Bulu lalé mu súná bré tráhe anfitɔ. <sup>21</sup> Kristo lahá mlilahɔ Bulu gyi. Bulu lókusúa mu tsú afúlito, wá mu numnyam. Mú sù mli ansídɪn Bulusu, mlidé tóá alahíé ɔkpa kí nɪ.

<sup>22</sup> Mlilagyi dɪnká ɔnɔkwali amúú ibu Kristotɔ ámɔsv. Mú sv mlilatɪn mli iwɪ há Bulu, mlidé aba dwe fé apió. Megyí ansítɔ-ɔdwe mlidépɔhá aba. Mliɔ músú amlidwe aba wankláán tsu mli klɔntɔ. <sup>23</sup> Bulu lakwí mli pópwe. Megyí nyankpɔsa ání oméetsiá nkpa wá ɔpású ɔlɔtsɔn kwí mli. Mboún Bulu asún ámúú ibu nkpa, ibu unv bré féétó amɔsv ɔlɔtsɔn kwí mli. <sup>24</sup> Bɔwanlín wá Bulu asún ámɔtɔ bɛɛ, “Anyánpɔsa bugyi fé ifá. Amó numnyam é igyi fé ifá ntswítswi. Ifá towú, mú ntswítswi tɔbú kpákpáa, <sup>25</sup> táme anɪ Wíe asún ámu mú bu unv bré féétó.” Asún ánfɪ gyí asɔn wankláán ámúú mú ɔkan adapú beda súná mli ámu nɪ.

## 2

<sup>1</sup> Mú sv mlile agywun laláhe kugyíku le mlitɔ. Mlumátrá mlé aba, ntée bwé apinabwebí. Mlumátrá pɛ ansí abasu, ntée tsii aba. <sup>2</sup> Mlibwɛ mli iwɪ fé nyebí bɔbwɛ, amluha Bulu asún ámúú iletɪn, tɔtɔ mɛfráa mútɔ ámu idunka mli ɔwólɪ brégyíbré, fé ali ámúú nyópu-ntsu tɛdínká nyebí ɔwólɪ amv. Méni ibéha mlédan, nyá nkpahɔɔ tsú Bulu wá. <sup>3</sup> Mlilakápú anɪ Wíe amv kí, mlilawun ání ɔbu awítɔle.

*Akristofɔ Babwé Aha Pɔpwe Há Bulu*

<sup>4</sup> Mú su mlkpukpe ba aní Wíe Yesu Kristo wá. Mvgyí nkpa Owíe ni. Kristo gyí fé ibwiá ahá bekiná mú aní uma labi, táme Bulu léle mú aní ibu labi mu ansító. <sup>5</sup> Ɖhétó asún nebá beblí á. Mluba Bulu wá bré anfi mlibu nkpa anfi, ɔbwe mli fé abwiá ɔdepyi obuá bótswe mu mótó. Ɖbwe mli mu igyí ahapú aní amú iwí létun, amlitsun Yesu Kristosu ha Bulu igyí amúú mu Ɖhété losusúu suná mli, itegyí mu ansí ámu. <sup>6</sup> Tsúfé bəwanlín wá Bulu asún ámuɔ bεε, “Bulu ɔbéε, mliki, nalé ibwi aní ibu labi, púbwé okonkísúbwi yáí Sion wúluto.

Ɖhagyíɔha aní ɔlɔhɔ aní Wíe, ogyi okonkísúbwi ámuvsu gyi a,  
péli méekítá mu ekekeεεε.”

<sup>7</sup> Ibwi anfi híé ibu labi há mli ahá aní mlilóhɔ Kristo gyi. Táme há ahá aní bumóɔhɔ Kristo gyi mú á, Bulu asún ámu iléblí ɔbéε,  
“Ibwi anfi obu ayípu bekiná ní.

Táme mólébemlí ibwi aní ihíé bu labi dun mú féé ní.”

<sup>8</sup> Asa é á,

“Ínu gyí ibwiá ahá bósutíin mósú dida ní.”

Bósutíin mósú, tsúfé bumegyí Bulu asún ámuvsu. Alí Bulu léhie yáí aní íbá ha amú ni.

<sup>9</sup> Táme mli mú á, mligyí ɔmá aní Bulu lalé. Owíe amu igyí ahapú. Ɖmá wankíhé aní Bulu lapú mli bwé mu onutó ahá ni. Mvlálé mli tsú oklúntɔ pú mli ba mu ɔkandíε wánkíhé amu asi ɔbéε, mlibéda ofúla amúú alabwé ámu iwí ɔkan. <sup>10</sup> Teki bré ámu a, megyí Bulu ahá mligyí. Táme séi mú á, mlilabwé Bulu ahá. Bré ámu a, teki Bulu nwewúun uma mlisu. Táme séi mú á, mu nwewúun laba mlisu.

### *Bulu Nkpábi*

<sup>11</sup> Apíó adwepú, nhíé nde mli ɔlá da. Afóó mligyí, mluméetsiá ɔsulúv anfisv wá ɔpá. Mú su mlile iwí tsu nyankpusa ɔwólí laláhe amúú itɔkó mli ɔkláa isá ámuɔ.

<sup>12</sup> Ínà mli ɔmátófɔ tsíε su á, mlitsia tsiátó wankláán,

méni ní budéblí bée mli tsiátó uma ale a, bówun mli yilébwe, fówun békanfó Bulu eke ámúbó òbéba beki amó gyumagihe amu.

<sup>13</sup> Aní Wíe Yesu sù mlibu aban mua òhagyíòha ání bapú túmi wá mu ibitò. Mlibu òmá òkparú ání òde òmá ámu féesú gyí. <sup>14</sup> Mlibu òmású akípu amúbó òmá òkparú lalé òbée, bubítí lakpan abwepú isu, abúkanfó yilé abwepú ámu. <sup>15</sup> Mlibwe yilé puka asun laláhe amúbó aha mimláhe buteblí mábí sù tsú mli iwí ámu itin. Tsúfée òkpa ánfisu Bulu déklé òbée, mlibwée mú ní. <sup>16</sup> Mlitsia nkpa fée ahá ání butsie iwisu, táme mímápu mli iwisutsiá ámu tin ansíbi bwé lalahé. Mboún mlitsia nkpa fée Bulu asúmpú. <sup>17</sup> Mlibu òhagyíòha, amlidwe mli aba ahógyipu. Mlunya Bulu ifú, amlibu mli òmá òkparú.

### *Asúmpú Iwiasibá*

<sup>18</sup> Nkpábi, mlunya mli awíe ifú, amlipu obú ha amó. Megyí amúá bolwíí, bubu awitòle há mli nkule. Mlibu amúá bubu owuntòlin mlisu é. <sup>19</sup> Ní ileba mútò ání behá mlowun iwiasin kuku kpaali, táme Bulu sù mlotomi hò mú faan a, Bulu ansí bégyi mli iwí. <sup>20</sup> Labi mòmù ibu ní fatomi, badá fú fú lakpan sù? Kuku uma mútò. Táme ní fòbwé yilé asa fotomi beda fú á, Bulu ansí tegyi fú iwí. <sup>21</sup> Asun wunhe ánfí aná sù Bulu létí mli ní. Tsúfée mli sù Kristo onutó é lótomi tsun asun wunhetò póbwé mfántòhón há mli, méni mli é mlótson mósú. <sup>22</sup> Bòwanlín wá Bulu asun wanlínhé amutò bée, “Òmòbwe lakpan kuku. Òmemlé òhaa é.” <sup>23</sup> Besia mu, mu mú omesia òhaa. Bréá òde ipian wúun a, òmekà òhaasu, táme òòpu mu ansí dínká Bulu, asún ogyípú òòkwalipu amusu. <sup>24</sup> Yesu Kristo onutó lóhò aní lakpan fée sùrá, beda mu mántá oyikpalíhe amusu, méni abégyi iwí tsú aní lakpantò, tsíá nkpa há yilébwe. Tsúfée bòwanlín wá Bulu asún ámutò bée, “Mu iwí nlò ámutò mlilénya mli ulotsá.” <sup>25</sup> Tsúfée mligyí fée akúfa fwíhè, fée

ali á múb bōwanlín wá Bulu asóntó ámu. Táme séi mú á, mli layínkí bá mlibuo Yesu, mli oklásu okípu pú mu okparú ámu.

### 3

#### *Akúlu Múba Aká*

<sup>1</sup> Atsi, mlibu mli akúlu ali kén, méni ní amótó aku buməhə Bulu asónsú gyi kúráá, bowun mli tsiátó a, ibétse amú, megyí mli obétepi trá bláa amú asvansu. <sup>2</sup> Tsúfé bōwun mli tsiátó wankláán pú alíá mlitehié bú ató. <sup>3</sup> Mli alé umátsu mli imi bwe, atati yilé dudá ntée sika atóá ibu ibiá wato. <sup>4</sup> Mboún mliha mli alé itsu mli kluntə. Aléá itamayíntá gyí múbá ibu alé, ilolwií. Mútehié gyi Bulu ansí ní. <sup>5</sup> Tsúfé ali kén bímbí ámu atsiá bəpu amú iwí há Bulu, pú ansí dínká musu bobu amó akúlu, su bōwa akíle ni. <sup>6</sup> Ali kén Sara lóbu mu kulu, oletsíá tí mu obée, “Mí wíe” ni. Mu abí mligyí, ní mləbwé yilé, mli ménya tətə ífú.

<sup>7</sup> Ali kén mli ayin é, ní mliha mli aká mlibu inu á, mlibi ání buma awútó əwunlín fé mli. Mliwun amó nwe, amlipu obú ha amú. Tsúfé mliha amónyo obénya Bulu atokiehé á múb igyi nkpa ámu. Mlikita mli aká tsun okpa ánfisu, méni ní mli dé mpá bə á, tətə méetin mli okpa.

#### *Ipiawúun Yilé bwe Su*

<sup>8</sup> Itráhe-tráhe a, mli féé mliha mli agywun ibwe kule. Mlisu ha aba, amlidwe mli aba Akristofə. Mliwun aba nwe, amliba iwiasí ha aba. <sup>9</sup> Mlumápu lalahe ká lalahe ikə. Ntée ní ahá besíá mli á, mli másiá amú ká ikə. Mboún mli yula amú, tsúfé Bulu létí mli ání mli bóyulá ahá, méni obóyulá mli. <sup>10</sup> Bōwanlín wá Bulu asún ámutə bəe, “Ní oku déklé obée, mu tsiátó iwá alé,  
otsia ansigyító a,  
mómú osí ahá iwí asun laláhe bí,  
osi afunu wa.

<sup>11</sup> Osí lalahe bwe, obwée yilé.

Odúnka iwilwii, ogyáa mú òkpa.

<sup>12</sup> Tsúfẹ́ Bulu ansí bu yilé abwepósó.

Ḑteyaa asu nú amú atò kulíhé.

Táme òtòkúsó líí lalahé abwepósó.”

<sup>13</sup> Ma òbòpυ lalahé gyi mli, ní mli ansí ipé yilébwesu?

<sup>14</sup> Táme ní ileba ání mlídé ipianwúun yilébwe su kóráá á, nwun láwá mli olú. Opúni mátsíí mli, mlumánya ḑhaa é ifú.

<sup>15</sup> Mboún mlibi tsu mli klontò ání Kristo gyí mli Wíe, mu iwí letin. Mlída iwísu, méní brégyíbré ní òku léfité hógyi ámúú ibu mlítò ámu iwí asún á, mlébi lé mú ḑnó wankláán. Táme mlinya klun, amlíba iwíasi le mú ḑnó. <sup>16</sup> Mli klun máha mli pón tòtò iwí, méní ní bude asun laláhe blí tsú mli tsiátò wankláán ámúú mlilópu mlibuo Kristo amu iwí á,

péli békítá amú. <sup>17</sup> Ní igyi Bulu apé ání fowúun ipian kóráá á, ibu aléá fówun ipian yilébwe su, dvn ání fówun ipian lalahébwé su. <sup>18</sup> Tsúfẹ́ Kristo é lówu ahá lakpan su ḑtsáwule pé. Mu asún da òkpa, táme olowu há lakpan abwepú féé,

méní òbékpa mli ba Bulu wá. Bəmə mu nyankpusa-oyí, táme Bulu lókusúa mu Ḑḑétó. <sup>19</sup> Ḑlòtsun Ḑḑé ámutò yéda asún ámu òkan há afúli amúú buda obu ámu. <sup>20</sup> Afúli amu gyí, ahá ámúú bumobu Bulu asún, Bulu lénya klun há amú bré ámúú aní náin Noa dé dáka kpɔnkpɔnkpɔnti sré ámu.

Ahá ikwe pé lótsun ntsubulá ámutò nyá nkpa. <sup>21</sup> Ntsu ánfí léli há asúbò. Alí ámúú ahá ámu bətsun ntsubulá ámusu nyá nkpa ámu a, alí kén asúbò ánfí dé mli nkpa hḑo ni. Megyí mli iwí ifin asúbò təfwí. Mboún igyi ipabwíí há Bulu ání mli klun idí mli asi, umátrá ha mli pón. Asúbò ánfí lahḑ mli nkpa tson Yesu Kristo kusó tsú afúlitò ámusu. <sup>22</sup> Alayó ḑsósú yétsiá Bulu gyəpɔsu séi. Bulu-abəpυ, ḑḑétó awíe pú túmi kugyíku bubu mu asi.

<sup>1</sup> Kristo lówun iwɔsɔn. Mú su mlɪda iwɪsu mli é, amlɪvɔ mu ɔkpa ámu alɪ kén. Tsúfé ɔhá ání owun iwɔsɔn lalé mu iwɪ lé lakpantɔ. <sup>2</sup> Ínɪ su ɔmátrá ha ɔwólɪ laláhe igyi musv. Mboún ɔhá Bulu apébwɛ itsia mu kluntɔ mu nkpa ání ɪlasí ɔyí ánfɪtɔ féé. <sup>3</sup> Asa mlɪlébemlí Akristofɔ á, mlɪléyintá bré tsɔtsɔɔtsɔ tsíá bwé tɔ́á ahá ání bumeyín Bulu bɪtekle bwɛ. Mú aná gyí; atsv múa ayin asúnwa, ntábu, pléikpada múa ntakpan onúkpa yɔ pú ɪkpɪtswéé ání igyi mli akísɪtɔ. <sup>4</sup> Itobwíé ɔmátɔfɔ ámu ɔnɔ́ ání séi mlɪtráa mlɪmédésrí buo amú yóbwɛ lalahɛ. Mú sù bɪtesíá mli ní. <sup>5</sup> Táme béle amú bwéhé féé ɔnɔ́ Bulu ansítɔ. Mu ɔbá begyi akɪankpavɔ pú awupú féé asún ní. <sup>6</sup> Mú sù beyéda Bulu asún wankláán ámu ɔkan há awupú ní. Amú lowu ámu igyi ɪsvá Bulu labítí amú ɔyulúbu, fé alíá ɔtebítí ɔhagyíɔha ɪsv. Beyéda Bulu asún ámu ɔkan há amú, ménɪ amú ɔkláa obénya nkpa fé alíá Bulu bu nkpa.

*Bulu Atokiehé* Kitá Wankláán

<sup>7</sup> Tógyítɔ ɔnɔ́mɔ lafun ta. Mú su mlɪkɪta iwɪ, amlɪha mli agyɪwuntɔ ɪdɪ, ménɪ mlétalí bó mpái. <sup>8</sup> Múá ɪdɪvɔ mú féé gyí, mlɪdwɛ aba tsu mli kluntɔ. Tsúfé ɔdwɛ ánfɪ odu ɔbéha mlétalí sí ahá lakpan kíé amú ní. <sup>9</sup> Mlɪvɔ ansigyí hɔ mli aba Akristofɔ afɔ́, mlɪmáblí mlɪaa ɪlakpɔn mli. <sup>10</sup> Bulu lakíé ɔhagyíɔha atɔ ɔtsan-ɔtsan. Mú su ɔhagyíɔha ɔkíta mu kletɔ wankláán, amlɪvɔkpa aba. <sup>11</sup> Ní ɔku klé gyí Bulu asónblí á, ɔblí asón ání ɪtsú Bulu wá. Ní ɔku klé gyí ahá sùm á, ɔpúvɔ ɔwɔnlín ámúvɔ Bulu lahá mu amv féé sùm mu aba. Ínɪ ɔbéha ahá békanfú Bulu tsɔv Yesu Kristosv tógyítɔtɔ. Numnyam múa túmɪ igyi Bulu klé bré féétɔ. Amen.

*Akristofɔ* ɪpianwúun

<sup>12</sup> Mí apíó adwɛpú, mlɪmáha asɔn wunhɛ kpɔnkpɔnkpɔntɪ ánfɪ budepvɔsɔ mli kɪ anfi ɪbwíe mli ɔnɔ́. Mlɪmákɪ mú ání asɔn pɔpɛwɛ dé mli tv. <sup>13</sup> Mlɪha

ansí mboún igyi mli ání mli dé Kristo asun wunhe amu ku wúun, méni ansí betrá hie gyí mli eke ámúb mu numnyam bélin owan ámu. <sup>14</sup> Ní ahá bu de mli sia Kristo búo su á, idesuná ání nwun lawá olú. Bulu Numnyam Ọje Wankíhe amu bu mli to. <sup>15</sup> Mli to ọkọku ọmáwun asún ahámọ, ntée owi, ntée lakpanbwe, ntée okéngyéwa su. <sup>16</sup> Táme ní mligyí Akristofọ su mli dé asún wúun a, umáwa mli péli. Mboún mli kanfu Bulu ání Kristo idá din mli su.

<sup>17</sup> Tsúfẹ bré lafun ání Bulu obégyi ọhagyíọha asún. Obégyankpá gyi mu onutó ahá asún. Ní Bulu obéfi mú así tsú anisv á, múmú nkálí ahá ámúb bumọhọ mu asun wankláán ámusv gyi amu klé bóbwe? Ibéhie wá ifú.

<sup>18</sup> Bawanlín wá Bulu asúntó be, e,

“Ní ibówa onlin asa Bulu ọbóhọ yilẹ abwepú nkpa á, múmú nkálí ibégyi ha lakpan abwepú pú ahá ání butamabú Bulu é? Iméetepí wá alé há amú.”

<sup>19</sup> Mú su ahá ámúb igyi Bulu apé ání buwúun asún ámu bupú amú iwí fée wa amú Ọlepú ámu ibito, abukita yilébwe to kínkíínkín. Otegyi mu asúnsú brégyíbré.

## 5

### *Bulu Akúfasv Kí*

<sup>1</sup> Séi á, ndeklé mbé, nótóí kplá mliá mligyí ahande Kristo ọpasuato. Ọpasua ọhande mí é ngyi. Ntráa ngyi ipian ámúb Yesu lówun amu iwí adánsie ogyípú. Mí é nénya mu numnyam amúb ibélin owan ámu ikv. <sup>2</sup> Nde mli kokóli mbé, mliki ahá ámúb Bulu lapúwá mli ibito amusu wankláán fé akúfa ọkparú. Imábwe mli fé bu de mli hie, mboún mli bwe mú tsu mli klontọ alá Bulu déklé. Megyí sika ọnsipe su, mboún ọdweá mli bu ha osum ámu su. <sup>3</sup> Mli mábwe ahá ámúb Bulu lapúwá mli ibito ámu kpóunkpóun. Mboún mli tsia tsiátó wankláán ání ibóbwe nfántúhún há amú, <sup>4</sup> méni ekeá Kristo, ogyi akúfa akparú

Owíe amu óbá á, óbéha mli isugyí-ípa ání ibu numnyam, iméekpa ekekeke.

<sup>5</sup> Nyasubi móa mbitebí, mli é mliwu obú há mli ahande. Mli féé mliwu iwiasibá kpa aba. Tsúfé bəwanlín wá Bulu asón ámutə beε, “Bulu təkúsú líi iwí atsupúsú, táme ótəwá awitəle há ahá ání beba iwiasí.” <sup>6</sup> Mú su mliba iwiasí, amliwu mli iwí wa Bulu túmi kṛənkṛənkṛənti ámu asi, fówun obótsu mli fúá mu bré wankláántó. <sup>7</sup> Mliwu mli asun wunhe féé wa Bulu ibitə, tsúfé ótəgywín mli iwí.

<sup>8</sup> Mlikita iwí, amlidinka ansí iwísu, tsúfé mli olupú, ogyi Óbunsám ná odekpóún, odeki fé gyatá, óde óku dunká ókita wí. <sup>9</sup> Íni su mlikita mli hógyitə kínkínkín, amlitin mu ókpa. Mlibi ání mli aba Akristofə ání bubu óyító féé bude ipian ánti odu wúun. <sup>10</sup> Táme Bulu híé óbu awitəle há mli tógyítótó. Mólátí mli ba mu numnyamtə tsun mlia Kristonyə ikolebwetó. Mu numnyam amu bu ibu bré féétó. Ní mlowun ipian kpalobí á, imóowa ópá mu onutó obótsu mli kúsú, há mléyinkí líi. Óbówa mli ówənlín, há mléle nlin Kristotə. <sup>11</sup> Mubú iwíegyí bré féétó. Amen!

### *iklá*

<sup>12</sup> Silwano létsa mí nəwanlín ówənlú kútúklú ánti sísí mli. Nyin ání opió Okristoyin ogyi, óbu ónəkwalí. Ndekléá nówa mli ówənlín, mí angyi adánsie suna mli ání asón ánti nabláa mli ówənlú ánti féé idesuná ání íni gyí Bulu awitəle onutónutó ámu ni. Mlikita mótó kínkínkín.

<sup>13</sup> Mli apió ahógyipw amúú bubu Babilon ópasuatə behá mli itsiá. Mí bí Marko é óhá mli itsiá. <sup>14</sup> Mliwu aba-ódwe ámúú ibu Akristofə́tə ámu ha aba itsiá brégyíbré. Nde Bulu kulí mbéε, óháa mli ahá ámúú mligyí Akristofə́ ámu féé iwílwii.

Bulu ntam pəpwε; Nkonya  
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

### Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 13 Mar 2019 from source files dated 13 Mar 2019

01b09958-fa53-51d1-aae0-88c7e9302503